

Quaestiones saepius motae super methodo inoculandi variolas, ad quas directa eruditorum reponsa hucusque desiderantur; indirecta minus satisfacere videntur: orbi medico denuo praesentiae / [Anton de Haen].

Contributors

Haen, Anton de, 1704-1776.

Publication/Creation

Vindobonae : Typis Joan. Thomae Trattner, 1757.

Persistent URL

<https://wellcomecollection.org/works/p84huhn3>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



27.131/B/2

C. N.Y. 6

F. xviii.

18/h



Digitized by the Internet Archive
in 2018 with funding from
Wellcome Library

<https://archive.org/details/b30546187>

7.131
C.

QVÆSTIONES
SÆPIVS MOTÆ SVPER METHODO
INOCVLANDI
VARIOLAS,

AD QVAS
DIRECTA
ERVDITORVM RESPONSA HVCVSQVE

DESIDERANTVR;
INDIRECTA
MINVS SATISFACERE VIDENTVR:
ORBI MEDICO DENVO

PROPOSITÆ

^{A B}
ANTONIO DE HAEN,

SACRÆ CÆSAREÆ MAIESTATIS CONSIL.
AVLICO, MED. PRACT. IN ALMA ET AN-
TIQVISSIMA VNIVERSITATE VINDO-
BONENSI PROF. PRIM.



VINDOBONÆ ,

*Typis Ioannis Thomæ Trattner, Cæs. Regiæque Maiest.
Aulæ Typographi & Bibliopolæ. MDCCCLVII.*

73174





QVÆSTIONES
SÆPIVS PROPOSITÆ
SVPER METHODO
INOCVLANDI VARIOLAS,
VERVM AD QVAS DIRECTA ERVDITORVM
RESPONSA HVCVSQVE DESIDERANTVR,
INDIRECTA MINVS SATISFACERE
VIDENTVR.



riginta, & quod exce-
dit, anni sunt, cum
primum ex *Thracia*
infusio variolarum in
Angliam inducebatur. Angli fa-
ma ejus capti, eandem mox suam

in *Americam* invexere. *America*, vice versa, illam in *Anglia* adversa fortuna quassatam, & sepultam, resuscitavit: ex quo cunctorum fere encomiis atque suffragiis totas Britanniæ insulas sibi subjecit. Inde vero varias ad Nationes delata, tenuem hic, illic duram sortem, apud plurimos, nacta est.

Operæ pretium erit mutabilis infisionis fortis apud Anglos, exiguique apud alias Gentes progressus, indagasse originem.

Vitæ humanæ conservandæ studium nimiis eam laudibus forsan extu-

extulerat; repudiaverat, instructa
haud satis in principio rerum, in-
quietata conscientia. Lite utrin-
que mota, en mox tristia dedit mi-
fera mortalium conditio suæ cor-
ruptionis exempla! Mens præoc-
cupata utraque a parte visa est;
Historiæ ejusdem, singulique expe-
rimenti, mira pro animorum dis-
positione varietas; libido calu-
mniandi; odiosus dominandi in
alios amor, undique apparebant.

Obnubilata hinc Veritas his,
qui neutram partem amplexi, ve-
rum unice perquirebant. Maxi-
me vero, quando viles utrinque

animi ad sententiam suam per fas, nefasque, tuendam, falsa pro veris, incerta venditabant pro certis; nimirum ut incondita argumentorum mole eliderent fauces Adversariis. Tunc enim, licet in summa rerum alterutra pars duntaxat veritati litaret, erraret alterutra; utraque tamen falsa refellendo quædam verissima protulit. Efectum hinc, ut qui Belli finem anhelii præstolabantur, demum projicerent animos, spemque totam, fore ut certi quidquam unquam adipiscerentur.

Nunquid sapienter illi? Haud omni-

omnino. Bonæ Causæ integritatem coram Tribunali non labefaciat illa ejus calamitas, quod finiftrios Patronos nacta fit, quod infidos, quod mendaces. An juste caufam Christianam deridebat *Julianus Apostata*, quod erroneis falfisque ratiociniis eandem defendere *Heterodoxi* anniterentur? Profecto est sedulo in hisce quærenda Quæftionis origo; sedatoque animo & quid, & quoisque, verum utrinque dictum fit, examinandum; videndumque accurate quid demum in Quæftione supersit, ad quod sapienter, & direcťe, responderem impedita altercandi amor,

A 4 idque

idque ea præcipue in re, quæ salutis communis tantopere interficit.

Hæ porro me causæ impulere, præcipua Quæstionis Capita sedulo colligerem, ad quæ a magnis, quos veneror, viris, infitionis patronis, necdum ita directe responsum sit, ut fluctuantes animos convincant, totamque gentem medicam insitorem reddant. Sane hi defectus suspensum & me tenent, moranturque, ne nostræ numerosæ Academicæ Juventuti hanc suadeam, hanc laudem methodum; neve publice eam, privateque, defendam, insinuem, inducam.

His

His igitur quæstionibus ubi directe fuerit satisfactum, manibus ibo pedibusque in sententiam affirmantem: conabor infitionem brevi ex Anglica Austriacam facere Germanamque: doctrina demum promovebo, adhortamento, exemplo. Præprimis vero eum, qui mea mihi dubia excusserit, æternum venerabor.

Si qui vero sint, quos carpendi, calumniandiique animus, virulento in me calamo ducat, sciant hi, uti nec formidine eorum ab iis, quæ inquieta conscientia dictabat, evulgandis abstinui, ita neque eosdem

A 5 respon-

responso me dignos habiturum.
Concludent quippe sapientes de-
speratam admodum eorum cau-
sam esse, quæ fœminarum in foro
altercantium more defendi debeat.
Hæc sola consideratio quodvis Re-
sponsum, ipsis unquam dandum,
præscindit.

Quæstiones igitur principales,
ad quas directa Responsio deside-
ratur, hæ sunt:

I. Vtrum insitiva Methodus per
DEVM licita?

II. Sitne eadem plures in Vita
servatura, quam via dicta na-
turalis?

III.

III. An certo certius quivis
pene homo debeat variolis
laborare?

IV. Nunquid omni dubio vacet,
quod inoculatio, sive effe-
ctum fortita, sive irrita, ho-
minem a variolis perpetuo
immunem præstet?

Hoc ipso ordine singulas quæstio-
nes examinabo.

§. I.

VTRVM INSITIVA ME-
THODUS PER DEVUM
LICITA.

Quæstio hæc sequentem includebat
difficultatem. Mortalium nemo
ullum

ullum in propriam vitam jus habet; adeoque neque jus habet suam vitam in evidens discrimen conjiciendi. Inoculatio autem hominem in tale discrimen conjicit. Ergo illicita est.

Argumentum sic probabatur: Demus, secundum plures insitionis Patronos id verum esse, quod Mortarium vigesimus citra variolas moriatur: ponamus ab insitione mori vigesimum quemque. Nonne igitur ille, qui inoculationem subit, & qui forte vigesimus ille immunis fuisset, sese periculo exponit, ne jam ille vigesimus sit, quem insitio de medio tollat?

Claudicare hoc argumentum pars altera dixit. Et quidem ita, *ut vix Centesimum mori ab inoculatione nonnulli affe-*

afferuerint; alii vix quingentesimum; alii vero nec millesimum. Et quemadmodum in definiendis ab insitione mortuis graviter erratum esset, ita & in determinando numero illorum, qui per omnem Vitam a variolis sarti tecti viverent, deviatum a vero esse; siqui dem vix millesimus citra variolas diem obiret.

Ratiocinium hoc, nisi me animus fallit, audaculum est, fundamento destitutum, experientiæ contrarium; ut ad §. III. demonstrare conabor.

Verum concedamus pro momento justum hoc ratiocinium esse, id tamen minime solvit quæstionem. In re absolute vetita, frequentius rariusve periculum locum non habet, nullaque exceptio datur, nisi expressa Legislato-

ris

ris voluntate. Si igitur nemini mortaliū jus competit in propriam vitam, nullo casu excepto; æque parum licet eam rariori, quam frequentiori, exponere periculo.

Sed visum quibusdam est peremptorium sese responsum habere. *Sunt qui nunquam variolis laborent; suntque quos nunquam insitio contaminet; Atqui hi iidem sunt. Ergo insitio nunquam periculum mortis inducit illi, quem naturales variolæ nunquam impetivissent.*

Vtinam minorem suam propositiōnem probarent! Verum id non posse eos, adeoque totum ruere argumentum, patebit ad §§. III. & IV.

At vero demus iterum minorem se
suam

suam posse probare, nunquid quæstio-
nem solverint? Non arbitror. Si ne-
mini jus in vitam propriam auferen-
dam, utique etiam non in eam abbre-
viandam. Atqui infitio saltem conji-
cere hominem potest in periculum ab-
breviandæ vitæ, qui alioqui forte post
30. annos variolas habuisset. Ergo.

Petitur igitur ad datam quæstio-
nem *directa* & evidens responsio, huc-
usque desiderata, concessa nunquam.

Excutiamus nunc responsa *indire-
cta*. Licit habentur, secundum Divi-
nas, Humanasque leges, Exempla bene
multa, in quibus se exponit homo mi-
nori periculo, majus evitaturus. Sunt
que inter hæc tum evidentiora iis, quæ
ab infitione, tum frequentiora, pericula.

Ergo

Ergo saltem licebit periculum tantillum, vix contingens, subire; quo & maius, & inevitabile, averruncetur.

Expendamus ordine singula.

I. Si ideo insitio vituperanda, quod nonnulli inde moriantur, Medicis ultra vetitum erit venam tundere; Emeticum exhibere, Purgansque; Artus amputare, separe calculos: quandoquidem multi inde per-eunt. Atqui hæc adeo periculosa permissa sunt, ut mors præcaveatur. Ergo multo magis inoculatio.

Sed, si quid video, defectuosa omnino infestationem inter, & Medica hæc auxilia, comparatio est.

Medicina cum auxiliis suis a DEO creata, DEO gaudet autore. Eccli. 38.

Nume-

Numeratque in suis cultoribus Prophetas, Evangelistas, principesque Christianæ fidei Martyres. Nil simile hæsterna insitio poterit proferre. Ex hoc capite auxilia medica iam justa, imo sacra, habentur. Nec dicat quis *Medicinam, suis in primordiis simpliciorem, violentis auxiliis his caruisse.* Nam laudatur B. *Lucas* ut Medicus, *Coloff. 4. v. 14.* Medicum eum eundem cum Evangelista fuisse, doctissimus *Freind* inter cætera inde arguit, quod nemo Evangelistarum morbos plures aptiore idiomate medico græce adpellaverit, quam suo in Evangelio *Lucas*. Sed *Lucæ* temporibus, jam ultra IV. Sæcula, ipsissima hæc enarrata auxilia Medica, in usu fuisse, *Hippocratis* monumenta demonstrant.

Deinde, nec purgans, nec vomitorium unquam, ut ajunt, *per se*, at modo *per accidens*, lethale fuit. Sed variolæ, non *per accidens*, sed *per se*, periculofæ sunt.

Tamen male administrata hæc artis auxilia lethum pepererunt. Concedo: ideoque oportet eadem bene administrare. A bene administratis mors non sequitur. Nunquid idem de insitivis variolis quis adfirmet?

Sed auxilia hæc adhibentur etiam dubiis in casibus, ubi ab eorum adplicatione ingens nonnunquam est discrimin. Id vero licet. *Cur ergo inoculare non liceat in casu minime dubio?*

Ipsum hoc dubium culpa exsolvit
artem,

artem, non infisionem. Versatur æger
in præsentissimo mortis periculo: ni ju-
vetur, mors inseguatur necesse est.
Certa mors ut præveniatur, incertum
adhibetur remedium. Nunquid id af-
firmare de homine sano, infisionem
subituro, queam? Nullo versatur in
periculo. Variolas forte nunquam pa-
furus fuisset. Sin vero patiatur quon-
dam easdem, majus forte non subibit,
quam nunc in inoculatione, pericu-
lum. Imo si a variolis naturalibus est
moriturus, poterit mori postquam 30.
40. 50. annis, Patriæ, Ecclesiæ, Fami-
liæ, egregius extiterit utilisque Civis.
Ita ut is, qui infisionem subit, quavis
peccet ratione. Cadit ergo vis tota
comparationis.

Missio sanguinis potest equidem

B 2 in-

infelix esse, sive incuria, sive ignorantia, tum Medici eam suadentis, tum facientis Chirurgi; sed infortunia hæc Venæ sectioni non debentur. Si bonus Medicus secundum artis regulas suaserit illam, si aptus Chirurgus eam, cum bonis instrumentis, ex suæ artis principiis, instituerit; Venæ sectio per se est auxilium innocuum. Quis id ita de infitione affirmet?

Si Artus amputem, si calculum secem, facio quidem periculosas operationes; at vero citra eas, & miserrime, & certo, & sæpe cito, moriendum misero fuisset. An id ita in inoculando?

II. Ex sexaginta Gravidis una passim moritur. Fæminæ nibilominus nubere licet. Licet proinde in bonum generis humani se
sub-

*submittere periculo. Quod si liceat peri-
culum sexagesimi subire, multo magis peri-
culum millesimi.*

Qualisnam Comparatio! Matrimo-
nium ab ipso Creatore, Gen. 2. institu-
tum est: itane insitio? Matrimonium,
Catholicus loquor, ab Ecclesia Catho-
lica creditur a benignissimo SERVATO-
RE ad Sacramenti evectum dignitatem:
etiamne insitio? Quæ igitur similitudo
rem inter, institutam a DEO, nobili-
tatemque, & insitionem; quæ neque
DEO autore gaudeat, quamque exer-
cere num liceat, adhuc sub judice lis-
sit?

*III. Plures homines unico mensis spa-
tio in mari pereunt, quam plurimis annis
insitione. Licitum tamen, v.g. ut Pater mu-*

nus egregium suo filio conciliet, quo frui tamen, non nisi mari transvectus, possit. Si majus periculum fortunæ causa subire liceat, utique minus, ipsius vitæ causa subire licebit.

Providus sator generis humani mare posuit, ceu Commercii diversarum gentium vinculum; quo ipsæ inter se se mutuis subvenirent necessitatibus. Ipse panis, inevitabile illud vitæ sustentaculum, apud Batavos deficeret, ni illi eum ex Mari Baltico sibi compararent. Vinum creaverat DEVS ut cor hominis exhilararet: hoc largissimi CREATORIS beneficio Angli carerent, ni iter ad *Britannicas Insulas* mare panderet. Piscibus, & pulcris vegetabilibus, mare replevit, ut eos inde homines improbo caperent labore. *Petrum jussit altum in*

in mare navem duceret, quo diviti gauderet piscatu. Dum ob magnificam Telluris dispositionem *David* Rex dvinas laudes canebat, simul admirabatur vastissimum mare, tam infinitorum animalium genere refertum, quam mortalibus navigabile. Ipse S E R V A T O R mare transvicit, Apostolos transfire jussit. Qui enim aliter Britannicis Insulis, Siciliæ, Corsicæ, Sardiniæ, Melitæ, Rhodo, Candia, &c. fidem Christianam hi, eorumve successores, inferre potuissent? Hæc optime *Grotius de mari libero.*

Hic igitur video rem quidem per se periculofam, sed quæ tamen D E V M autorem habeat, uti animi corporisque bona genti cuique distribuat. Quid vero hic inoculatio? An gaudere eam Auctore & institutore D E O quisquam probaverit? probare possit?

Marina ergo itinera quum institutum referant **C R E A T O R I S**, insitiva methodus cum nil tale redoleat; nullam omnino inter se se tolerant comp̄ rationem. Nullius ergo ponderis, quod inde petitur, argumentum est.

IV. Minus malum majori præfertur, consuetudine adprobata omnium Christianorum populorum; quando v. c. Navis, contagione infecta, potius pleno in mari, cum omnibus hominibus, perire permittitur, quam ut in portum excepta, contagium propaget: vel quando tempore pestis, limitibus civitati circumpositis, quisque limitum transgressor sclopeto occiditur; ne urbem ingressus disseminet contagium.

Ergo si a variolis naturalibus septimus quisque, secundum datos calculos, moritur,

&

*& ab inoculatione tantummodo millesimus;
licebit, præstabitque, unum, quam 143. mori.*

Respondeo præscios Naucleros esse,
quod ex portu contagioso solventes,
nunquam sint aliis in portubus admit-
tendi. Et ubi ad pestim averruncan-
dam cancellos urbes circumpositos
habent, quos qui transfilierint occidun-
tur, schedulis saltem affixis infligendæ
mortis pœna ad cancellos legitur; &
qui transiliturus esset, adeoque occi-
dendus, prius ab excubiis monetur.

Verum ad §. II. operosa responsio-
ne opus non esse patebit, imo tribus
eam verbis confici posse.

*V. Qui infisionem, ceu illicitam, conde-
mnant, suo sibi jugulant gladio. Consuetu-*

dinis quippe est illis, ut, si magna in familiā infans benignis laboret variolis, suadeant jam cœteros Infantes consuescere cum eodem & condormire: quo & benignis illi afficiantur. Ergo hi idem consuetudine cum infecto faciunt, quod nos insitione; id si illis licet, & nobis inserere licebit.

Resp. i. Sententiam horum Medicorum prorsum erroneam esse: nam Discretæ Variolæ generant confluentes; Confluentes Discretas. Id quotidiana Exempla demonstrant. Id etiam Defensores insitionis publicis testimoniis de insitivo pure notarunt. Idem magnus Boerhaave de benigno pure insitivo observatum scribit in Præfatione, seu Dissertatione potius, *ad Morbos Apbrosiadiacos.* „Robustissimi agricolæ, „ inquit, sanissimo sanguini pus de pa- „ pula

„ pula Variolæ, particula vix conspi-
„ cua, apice aciculæ infigatur, quis
„ Mortalium credat! en febrim omni-
„ no singularem, sui semper genii te-
„ nacem, suo definitam tempore, pro-
„ priis stipatam symptomatibus: mox
„ erumpentes admiraris papulas certæ
„ formæ, naturæque, intra determina-
„ tum tempus in abscessus purulentos
„ qui degenerant, quorum tanta sæpe
„ glomeratur frequentia undique, ut
„ omnis fere sanguis, efficacia mali, in
„ malignum pus conversus sit, *totum-*
„ *que aliquando Corpus pessumdet;* atque
„ minima rursum particula virus idem
„ gerat, sanumque corpus valeat infi-
„ cere simillimo contagio. „ Sed de
magno hoc Viro mox adhuc quædam.

Resp. 2. Sententiam erroneam non
modo

modo, verum etiam illicitam esse, eamque qui sequantur Medicos graviter reprehendendos; iisdem prorsum de causis, ob quas infitio condemnatur. Vbi enim possibile est, separationi sanorum ab infectis est semper studendum.

Fas sit hac occasione monuisse, quod incomparabilis *Boerbaave*, inter infitivæ Methodi promotores, a multis perperam recenseatur.

Verum quidem est eum in Aph. scripsisse: *Prophylaxis infitiva videtur sati certa tutaque*. At non adeo firma hæc ipsi sententia in animo inhæsit, quin multoties vacillaverit. Id patet laudata mox Præfatione, quam scripsit ad finem anni 1727. pluribus ergo annis, postquam illam sententiam suis inseruerat aphorismis. Adeo

Adeo verum hoc ut, triennio ante
Fata, me præsente, testaretur, se malle
homines naturaliter, quam infitione, af-
fici. En propria verba quæ ex ore
hujus Medicinæ Oraculi exscripsi: „Si
„ puer conversetur, & condormiat
„ cum puero bonas variolas habente,
„ ille non habens contagii suspicionem,
„ tunc adhuc tutius per Deglutitio-
„ nem ordinariam Miasmatis, quam
„ per infitionem, habebit, & æque bo-
„ nis variolis laborabit. Quærunt a-
„ me an debeat insertio fieri? Dico
„ tantum, quod cum illo infecto con-
„ versari debeat: nam plerumque affi-
„ cietur; si non semper, neque infitio-
„ ne facta omnes laborant eo morbo.
„ Hinc canon in numerosis familiis, ut,
„ si unus puer laboret, omnes alii, qui
„ nondum variolis laboravere, cum illo
„ puero includantur.

Sane

Sane qui semper & unice ex iis,
quæ in *Institutionibus* & *Aphorismis* typis
impressa leguntur, concludere velint
quæ Mens *Boerhaavio* fuerit, nae toto
errant cœlo. Mutavit enim sententiam
sæpe, eamque mutatam nobiscum com-
municabat: Typographis nihilominus
eodem semper modo deficientes hos
libros recudentibus. Nunquam ibi le-
gitis mutatam de Duplicatura perito-
næi sententiam: hanc tamen Duplica-
turam ex *Swammerdammio*, *Ruischio*, *Dou-
glasio*, negabat in Collegiis: negabat in
Præfatione ad *Swammerdammii Biblia Na-
turae*. Si quis crederet se mentem ma-
gni Viri bene capere ex cap. *de Morbis
Gravidarum*, *De Partu difficulti*, *De Puer-
perio*, *De Lue Venerea*, ille immensum
erraret; quum in Collegiis plane diver-
sa Discipulos erudiret.

Fuere

Fuere anni cum textum suum de
infitione ne ullo quidem verbo com-
mentatus esse visus sit, ut concludere
datur ex *Spuriis Comment.* an. 1731.
Lond. apud Knebel & Knapton, editis.

Interim, ex responso ad hanc ipsam
quæstionem paulo ante dato, patuit me
Boerhaavi consilium, de consuescendo
cum puerο infecto, minime adoptare.
Attuli id duntaxat, quo mens ejus cir-
ca infitivam Methodum patesceret.

Ex omnibus hucusque dictis evi-
denter patet, *neque directe, neque indire-
cte*, unquam ad gravem hanc primam
quæstionem a Defensoribus inoculatio-
nis responsum esse; id vero demum ut
faciant, ne ultra utilissima eorum Me-
thodus *procrastinetur*, necessario requiri.

§. II.

§. II.

VTRVM INSITIVA ME-
THODVS PLVRES, QVAM VIA
NATVRALIS, IN VITA
SERVATVRA SIT?

Hoc, ceu demonstratum, ponitur.
Quippe ex *Naturalibus variolis se-
ptimus moritur*, ab inoculatis vix millesi-
mus. Ergo differentia est ut 1. ad 143.
Itaque si ex primis 3000. moriantur, ex
ultimis modo morientur 23. aut 24.

Respondeo iniquam omnino vide-
ri, quain inter mortuos utriusque claf-
sis comparationem instituant.

Variolis epidemicis, nunc benigno-
ribus nunc malignioribus, *Hagæ Bata-
vorum* graffantibus, carus ejus incolis,
ma-

magnum ægrorum numerum semper curandum habui. Felicissimæ meæ sub *Divina clementia* curæ, in variis epidemias, nemo mihi laudes auferet, nemo eripiet honorem. Meminerunt plures nobiles ibidem Matronæ, dum Viennam abiturus ultimum vale dicerem, se lacrymabundas declarasse, quam exoptassent, ut, antequam abiisset, universa proles variolis laborasset! Praxi oneratus omnium adornare historiam non potui; 220. tamen historiam exacte adornavi, ex quo nempe ingenium ad hunc morbum curandum ditta opera applicui. Horum 220. hominum *unicus* duntaxat periit.

Vnicum dico; quamvis quinque perisse notaverim. Sed simul notatum invenio, quod horum quinque primus

C omnem

omnem omnino potum respuebat ;
quod ad alterum re pene conclamata
advocabar ; a tertio V. S. nulla ratione
impetrare poteram ; quartus spirituum
vinique abusu ferme exustus erat ;
quintus modo secundum omnes artis
regulas tractatus, & moriger, perierat.

Condonabitur mihi quatuor horum,
ex quinque mortuis, exemptio : siquidem
& hos eximi jure merito oportere per-
spicue quisque videat, & magni Viri
ex suis inoculatis mortuis plures adhuc
scrupulosius eximere soleant.

Vidi pariter paucissimos admodum
a Variolis in *Hollandia* mori, cura ejus-
modi Medicorum, qui , ut in cæteris,
ita & in hoc morbo, optima methodo
uterentur. Idem observo *Viennæ*, vi-
cinis-

cinisque in urbibus, sub bonorum Medicorum cura. Idem de se, aliisque, testatur Clariss. *Læberus tract.* in 8. *Janæ* 1730.

Ægre ergo nemo ferat, quod Comparisonem Naturales inter, insitivasque variolas, quam multi insitionis patroni, posuerint, non admittam. Plura profecto vidi, evidenter expertus sum, quam eandem ut admitterem.

Quare, si his autoribus relictis, eos adeamus, qui Centesimum, Ducentesimum, Trecentesimum ab insitione obiisse enarrent, notabilis non supererit, mortuorum utriusque classis, differentia. Si id ita se habeat, bellum hodiernum de insitione incassum geritur. Sed reliqua argumenta excutiamus.

Cura insitiva facillima est; cura Naturalium difficultatibus scatet: inde necessario mortuorum numerus in his, quam illis, major.

Resp. 1. Si curæ insitivæ non probetur licentia, frustra ejus facilitatem laudari.

Resp. 2. Comparationem hanc iterum nimia fieri exaggeratione. Nam utræque sæpe faciles; neutra magnis sæpe difficultatibus caret. Quod variolæ naturales facillime tolerantur, ægriique vix ægrotent, vix Leætis in-hærere cogantur, vix jaæturam patiantur venustatis; multoties vidi, videre Medici omnes. Quod male admodum, & periculose ab iisdem ægri decumbant, haud raro dolui: sed simul vidi opti-

optimos Vires idem de infitivis publi-
ce fateri.

*Differentiam majorem arguit pus sem-
per benignius adhibitum in inoculando.*

Corporum diversa dispositio majo-
rem differentiam facere videtur, quam
puris benignitas. Nec defunt inter
infitionis patronos, qui idem in infiti-
vis animadverterint. Constititque idem
ex *Boerhavii* allato textu §. I. Obser-
vatio quotidiana id in naturali contagio
docet. Eodem contagioso tempore,
eodem in cubiculo, primus forte in-
fans, & paucas habet, & faciles vario-
las; alter haud quidem numerosas, sed
molestissimas; tertius multas, levesque;
quartus fere lethales: & iterum in alia
familia vicibus omni modo permutatis.

Verum præparantur corpora ad insitivas, & non ad Naturales. Præparati proinde mitius habebunt. Minus proinde morti expositi erunt.

Non diffiteor quin intersit, utrum *Socrates* afficiatur variolis, an *Epicuri de grege porcus*; differentiam tamen minorem ea, quæ vulgo ponitur, pono. Patuit id publicis scriptis ab infisionis aut patronis, aut faltem sic creditis, editis. Et quam parum sæpius ad futuras Naturales Variolas vel optimæ præparationes conferant, agnovere *Eрудiti Edimburgenses, Act. Edimb. part. 3. §. 2.*
,, Quamvis, inquiunt, venæ sectio in
,, principio variolarum pluribus in ca-
,, sibus manifesto levaret, discerni ta-
,, men non poterat, an V. S., sive ea
,, institueretur ante febrem variolosam,
,, sive

„ sive post manifesta ejusdem sympto-
„ mata, quidquam prodesset ad vario-
„ larum tum naturam determinandam,
„ tum frequentiam. Pluribus enim
„ illorum, quos V. S. Purgatio, Fon-
„ ticuli, tenuisque ac refrigerans Diæ-
„ ta, bellissime præparaverant, con-
„ fluentes, malignæque admodum va-
„ riolæ, contingebant. Aliis vero, ea-
„ dem plane methodo tractatis, ut &
„ ingenti numero eorum, quos Ars mi-
„ nime præparaverat, Benignæ obtigere.
„ Nonnulli qui, Mercurio curati, no-
„ tabili adhuc tempore æthiope mine-
„ rali utebantur, confluentibus pete-
„ bantur, & peribant.

Igitur fallunt sæpe vel optimæ præ-
parationes, plurimis non præparatis
morbus levissimus est. Non est ergo

C 4 hæc,

hæc, quæ convincat, regula. Pergamus ad alia.

Qui artem Medicam rite calleant Medicici, sunt rariores; bonaque proinde eorum Methodus servabit paucos. In pagis remotis, in locis abditis, in quibus aut reperiundus Medicus non est, aut super variolis consuli non solitus, summum erit semper a Naturalibus periculum. Imo multi Medicis utuntur quidem, at non obediunt; quamobrem toties bonus Sydenham ægros suos immorigeros vel periclitatos, vel mortuos, lamentabatur. Augescit semper hinc periculum in variolis naturalibus.

Inducta insitiva Methodus his omnibus mederetur. Ut enim Londini, & alibi, laudabiliter institutum, ita ubique, bunc in finem, consecrari Nosocomia possent, in quibus

*bus insitio gratis administraretur. Ita in
omni regione, singulo mense, aliquot Centenari
curari possent facile: nam requireretur ibi-
dem modo unus, rerum gnarus, Medicus di-
rector, cuius nutui cæteri Medici & Chi-
rurgi parere tenerentur. Opus porro hoc
inoculandi elapsis aliquot annis ita decre-
sceret, ut deinceps pauci semper inoculandi
supereffent.*

Dignum attentione argumentum!
sed dico 1. quod jam sæpius, si ope-
ratio illicita est, argumentum, ut ut spe-
ciosum, sponte ruit.

Dico 2. Erit perpetuo numerus eo-
rum ingens, qui se, suosque, oblatæ
gratis inoculationi submittere recusent.
Cipientque Nosocomia infimam modo
plebem. Melioris vero fortis homines,

boni Cives, Nobiles, qui suis in ædi-
bus inoculantur, periculo expositi erunt
in malos medicos incidendi, vel erunt
bonis suis Medicis immorigeri: ut et-
iam hisce de causis infelicis infisionis
effectibus subjaceant.

Sed dico 3. si hoc consilium ita
laudandum est, destinentur publica
autoritate eadem Nosocomia in quavis
Regione, ut inibi, quovis epidemicō
tempore, Naturales Variolæ gratis cu-
rentur, cum venia accedendi, ad levif-
simam suscepti Contagii suspicionem.
Ita omnes iis de locis, qui Medicis,
faltem eruditis, careant, commode cu-
rabuntur: quandoquidem unus faltem
intelligens rerum Medicus ibi aderit,
cujus imperio cæteri Medici pareant.
Sic etiam his incommodis provisum
erit

erit in variolis naturalibus, citra ullam necessitatem infisionem ideo præferendi.

Sed ultra progrediendum. Si res ita se, ut dixi, habet, legitima suspicio subit animum, num vigente inoculatione plures a variolis non moriantur, quam eadem repudiata?

Contagium enim majus, minusve, æque ab infitivis habetur, quam a Naturalibus. Quamvis enim nonnulli autores certa de causa infitivarum contagium minuunt, tamen ipsi aliam ob rationem idem, ut & cæteri passim omnes, admittunt; patheticeque, jure merito, aliquando describunt.

Igitur si in urbe, in qua nullæ variolæ, quis infisionem sibi fieri curet,
pote-

poterit urbem hanc contagione infi-
cere.

*Sed, inquiunt, faciat hoc in urbe, in
qua nunc variolæ jam graffantur. Fiet ita,
ut qui ea in urbe hoc morbo deinceps affli-
guntur, potius a contagio naturali affligan-
tur, quam ab inoculato.*

Non attendunt hi Viri ad id, quod
alia occasione toties inculcant: Insiti-
vas nimirum tunc periculosas esse,
quando vel ante insitionem, vel post
eandem, contagium epidemicum acces-
serit. Velintne hoc consilio ut homo
infelicitis inoculationis periculo se spon-
te exponat?

Hinc excogitavere aliud Consilium.
*Inoculandus, inquiunt, ædes feligat, in
quibus*

quibus incolæ nulli, nisi variolas passi. Nemini existet tunc causa contagii.

Resp. 1. Nemo certitudinem absolutam habet se variolas iterato non habiturum; ut patebit §. IV.

2. Oportet ad ægrum accedant Medicus, Chirurgus, Pharmacopæus, Confessarius, Necesarii, Custodes: qui suscepto vestibus contagio urbem inquirent.

3. Centeni homines rerum agendarum causa toto illo tempore Herum ædium pro consuetudine accendent, periculi ignari. Etiam qui sordida corporis, Lectique, linteæ mina lavant, omnes hi inevitabili contagio obnoxii hærent.

4. Ejus-

4. Ejusmodi consilium, si probaretur prodeesse quidquam, locum non haberet nisi in paucis inoculandis; impossibile prorsum esset, ubi multitudo hominum inoculanda foret, ut sufficienes numero ædes hujusmodi inveniri possent. Ergo & inutile consilium, & inane.

Perstat ergo dicta mox propositio, quod inoculatorum Contagium aptum natum sit, multos alios suo ut adflet veneno.

Contagii propagatio utrum fiat ab uno homine ad plurimos, an vero ab uno ad paucos, ab his paucis ad multos, a multis ad plurimos; nos latet: sed quacumque demum ratione fiat, incredibiliter multiplicari se posse demon-

monstrat. Differt tamen hæc contagii multiplicatio valde in variis temporibus. Durat multiplicatio hæc, donec demum ejus veluti aculeus obtundatur & hebescat; morbusque ille epidemius minuatur, & tandem cefset.

Quum vim contagii multiplicantem determinare nequeo, ponam pro exemplo decem homines in urbe quapiam inoculari, singulosque eorum afficere alios novem; ita ut jam simul 100. ad sint, qui variolis decumbant.

Quibus justo major hic calculus adparet, hi demant ei, quantum ex suis observatis constare sibi putent; semper manebit vis argumenti: Qui eundem justo crediderint minorem, addere modo illi velint, quod deesse autument.

Si

Si igitur a 10. inoculatis alii 90. afficiantur contagio, quid futurum tunc, quando, quod quibusdam in voto fuit, in magno Regno intra 30. annos Millio hominum inoculata, adeoque in vita servata fuisset, moriente cæteroqui à Naturalibus singulo septimo?

Periissent eorum gratia 1285714. homines. Nam si Millio variolis infitivis spatio triginta annorum decubuit, novem Millions aliæ debuere Naturalibus laborare.

Ergo Millio, & plusquam quarta Millions pars hominum, inoculatorum gratia peribunt, si verum est, quod unanimiter fere Defensores inoculationis dicunt, à Naturalibus septimum quemque perire. Septies enim 1285714. faciunt

faciunt 900000. modo duo addideris totali.

Nolo his mortuis eos addere, qui, in tanta inoculandi crebritate, sive incuria, sive inobedientia, perire possint.

Quicumque vero, ut supra iam monui, me in calculo ponendo excedere putet, videt saltem multum propagari contagia ; adeoque insitivam methodum horrendis laborare sequelis , ad quas Viri optimi, qui in ejus laudibus adeo profusi sint , neglectius attenderint.

Regeri equidem potest, quo magis increbrescat insitio, eo fore, qui naturaliter afficiantur, numero minores : adeo quidem, ut demum vix pauci,

D quos

quos Contagium afficiat, superfuturi
sint.

Resp. 1. Saltem quo primo tempo-
re frequentissima fit infitio, eodem
tempore numerosissimi erunt, qui natu-
ralibus variolis possint affici.

Resp. 2. Erit perpetuo non nume-
randa hominum multitudo, quos me-
tus quisquam ab infitione deterreat,
quosque proinde crebra infitio natura-
libus variolis afficere queat.

Si respondeatur hos ultimos, quod
remedio salutari reluctentur, suum sibi
letum debere;

Dico 3. Infantum necdum bien-
nium innumerabilem turbam semper
habet

habebimus. Sin vero contra insitorum propria observata insitio incipiat & biennio minoribus institui; erit quidem, qui variolis naturalibus affici queat, minor infantum numerus, at vero dubio procul insitio infortunatior, mortisque feracior. Ætate majores innumeris nunquam non aderunt. Hominum aut imbecillioris valetudinis, aut Diatheseos scorbuticæ, phthisicæ, arthriticæ, venereæ, turba vix numeranda perpetuo aderit. His porro omnibus cum insitio denegatur, Millions hominum jugiter aderunt, quos insitivarum contagium naturalibus afficiat variolis.

Quin ultima hæc recensita debiliorum, aut acrimonia laborantium classis, judicatur veneno, etiam insitivo, perfe-

D 2 rendo

rendo ineptior, adeoque & insitio hanc
ipsis ob causam denegatur: quantane
igitur horum futura strages, si eosdem
naturales variolæ, quas adeo pernicio-
sas censem, impetiverint!

Videant ergo Patroni insitivæ me-
thodi quam ex suis ipsorum principiis
hæc methodus noxia futura sit generi
humano!

§. III.

AN CERTO CERTIVS QVI- VIS PENE HOMO VARIOLIS, SERIVS OCYVS, AFFI- CIATVR?

Tœdiosum admodum Quæstionis hu-
jus, ut & sequentis, examen est.
Indecorum quid in eo occurrit, quod
nunquam inter honestos viros locum
debe-

deberet habere. Vix citra indignationem percipitur, quo indigno modo, Viri in arte optimi, qui sapientia, pietates, candore, dum viverent, deliciæ Patriæ, Ornamentaque artis & Columnæ erant, nunc fugillentur a Recentioribus; &, absque ulla hæsitatione, aut Mendacii accusentur, errorisve, aut inscitiæ. Id porro hac in re sic se habet, ut patet.

Priusquam de infitione in *Europa* cogitatum, æque conspicuæ, æque apud quosvis in confesso erant Notæ, quibus Veræ Variolæ a Spuriis distinguerentur, quam hodie.

At vero antequam de infitione in *Europa* cogitatum fuit, cum optime cognitis his distinguendi notis, tam cer-

tum erat, quam quod certissimum,
complures homines sine variolis mori;
plures iisdem bis, pluriesve affici.

Ergo hæc duo negantes Scriptores,
vel mendacii arguunt innumeros, qui
ante ipsos de variolis scripserint, quod
hæc duo strenue docuerint; vel accu-
fant incuria, quod nempe veras utram-
que speciem discriminandi regulas co-
gnoscentes, easdem ad datos sibi casus
oscitanter applicuerint.

Quo demum jure id Recentiores
autument, nullus video. Est enim ve-
terum autorum hæc duo statuentium
densum adeo agmen, ut si quis crassam
satis Dissertatiunculam, quæ sola ho-
rum testimonia collecta referat, a me
quæsiverit, me brevi daturum policear.

Hæc

Hæc porro omnia negare velle, autoresque illos aut turpis mendacii, aut oscitantiæ haud condonandæ insimulare; est omnem abjicere honestatem, omnem hominum fidem subvertere, omne Eruditorum delere confortium. Quis, amabo! observata sua publicæ lucis facere postmodum ausit?

Verum absit omnes ita erga venerandam Antiquitatem egerint! Insitorum moderatores sæpius fassi sunt vi gesimum quemque hominum varioliæ expertem mori. Cum his paulisper agendum est. Si dederimus ipsis hoc, quod plures sine variolis non moriantur, videant ipsi, quantus jam numerus eorum inter mortales existat!

Si *Lutetia Parisiorum* 800000. inco-

larum numeret, ut vulgo statuunt, erunt ea in urbe semper 40000. homines, quos variolæ invadant nunquam.

In provincia *Hollandiæ* millionem numerant incolarum. *Hollandiæ* ergo perpetuo habebit 50000. incolas ab hoc morbo sartos tectos. *Amstælodamo* dant Millionis quartam. Ergo ea urbs jugiter habebit 12500. cives, qui per omnem vitam variolas ignorent.

Si tota *Gallia* continet, ut volunt, 20. millones hominum, erit assidue Millio hominum nunquam variolis afficiundorum.

At plures forte immunes manent. Variolis grassantibus sedulo inquisivi quinam ex familia, aut ex necessariis, vicinis-

vicinisve, qui inficiendas brevi ædes frequentare solerent, ne cum variolas passi essent. Obstupui horum numerum, meamque admirationem multis sæpe testatus sum. Evidem supposui semper dari quosdam, qui earum ultra non recordarentur; verum & relictæ in plurimis vestigia id docuissent, & multorum parentes saltem meminissent. Sane horum plures lapsu 20. annorum mortuos novi sine variolis.

Ipsi inoculationis defensores nequeunt, saltem ex suis ipsorum principiis, amovere hanc legitimam suspicionem, an non plures infitione variolas patiantur, quam via naturali passi essent. En cur id dicam.

Nobilis Aretinas, *Fr. Rbedi, in Obs.*

D 5 de

de Viperis, a Viperarum captore *Jacobo Sozzi*, una cum tota sua Eruditorum, inepte de Viperis differentium, turba derisus, didicit, & experimentis deinceps evicit, Venenum Viperæ, una cum spuma ejus irritatæ oris, inculpate ab hominibus, pluribusque animalibus, ad dragmas usque ore imbibi; sed ipsius hujus veneni vigesimam guttulæ partem, Hominis, Tauri, Equi, aut cuiuscumque animalis sanguini, facto vulnerculo, adplicatam, serius oxyus, passim tamen intra quadrihorium, certam inferre necem.

Bosman in Descr. Guinææ Epist. 17.
narrat serpentem, veneno morsu applicato letiferum, cum mordere hominem non posset, venenum tamen suum, & spumam, illi in faciem, pleno rivo, insputasse:

sputasse: hominem quidem a violento veneni jactu veluti cœcum fuisse, at vero incommodi nihil deinceps habuisse.

Oleum Tabaci fumando, & maxime fistula fumo frequenti denigrata, ori adplicatum, cum saliva deglutitum, non nocet. *Rhedi* in suis experimentis, *Schoon in sua Tabacologia*, animadverte re venenum præsentissimum esse dum, facto vulnere, minima modo guttula cum sanguine communicatur.

Bantamenses tela veneno inficere norunt, quod certo, quotquot tangit, necat. Tela hæc ubi a *Batavis* sibi comparaverat *Rhedi*, vidit omnia animalia, inde vulnerata, occidere. Eadem tamen tela vino infudit, animalibus dedit, innocue assūmisſe vidit. Vid-

Rhedi

*Rbedi tract. de exp. circa res nat. max.
indicas.*

Est quidem ea in similitudine dis-
paritas, quod Venena hæc enarrata,
sanguini adplicata, necent; deglutita
vero, aut alio adplicata modo, innocua
sint; venenum vero variolosum homi-
nes, quovis modo adplicatum, lædat:
attamen jure merito suspicamur an non
variolosum venenum, immediate cum
sanguine communicatum, plures homi-
nes adficiat, quam afficerentur via na-
turali; siquidem venena quædam alia,
licet nihil noceant deglutita, tamen
mortem conciliant cum sanguine com-
municata?

Sed suspicio hæc ipsa certitudinem
parit. Nonne fatentur insitivæ metho-
di

di autores suam infisionem afficere omnes, qui eam subierint; excepto forte, ut quidam statuere, vigesimo quoque? Dignentur nunc intueri illum, quo naturale contagium agat, modum! Sint decem infantes in una familia. Afficitur unus alterve, aliquando plures: Quinque, sex, septem, non afficiuntur: Horum unus alterve post elapsos 2. 6. 10. annos variolas habet; alias adulterus; unus alterve forte, quantum scimus, nunquam. In Orphanotrophiis sexcentorum infantum, erunt uno contagii tempore 20. qui eo afficiantur, alio tempore 50. dum interim 200. 300. 400. iisdem in ædibus existant, nec dum variolas passi. Attamen infitione ibi instituta, omnes, nunquam infecti, nunc haberent variolas, vigesimo forte excepto.

Ergo

Ergo longe plures artificiali, quam naturali afficiuntur contagio. Si id verum, utique venenum variolosum longe penetrantius est arte, quam natura, applicatum. Si vero penetrantius, oportet sane multos inoculatione adfici variolis, qui via naturali iisdem affecti non fuissent.

Si jam vigesimus quisque sine variolis naturalibus moritur, & contagium naturale longe debilius est artificiali; consequitur id, ut plures numero homines inoculatione variolas contrahant, quam naturali via contraxif-
sent.

His ita consideratis cogor fateri nonnullos non malo animo, sed erro-
neo, egisse, qui sententiam Majorum
nostro-

nostrorum tam acriter perstrinxerint.
Quum enim infitione ferme omnes va-
riolas contrahere crederent, non cum
exceptione vigesimi cujusque, ut qui-
dam statuerant, sed cum exceptione ad-
modum pauca; quumque præterea il-
los modo, quos natura, etiam arte affi-
ci supponerent; necessario falsa debue-
runt credere, quæ de magno eorum
numero, quos variolæ nunquam pe-
tant, innumeri scripsissent.

§. IV.

AN CITRA VLLVM DVBI-
VM INSITIO, SIVE EFFECTVM
SORTITA, SIVE IRRITA, HOMI-
NEM PER OMNEM VITAM A SE-
CVNDIS VARIOLIS IMMV-
NEM PRÆSTET?

Præecedentem §. adortus, etiam ad
præsentem quæstionem pro parte
respon-

respondi, unaque cum eadem agi-
tavi.

Præter veterum indubitata testimo-
nia, secundas variolas admittere me co-
gunt exempla indubitatae fidei. Non
referam narratiunculas Matronarum,
quæ licet veræ aliquando essent, tamen
æque mihi, quam aliis, suspectæ forent;
sed quæ ipse, aliique mecum, vide-
runt, quæve habeo ab iis, quorum fi-
des nemini suspecta esse possit.

Ac primo quidem dico me, in fre-
quenti mea variolosa praxi alteras to-
ties variolas observasse, ut demum ri-
derem eorum securitatem, qui quod
eas olim habuissent, jam nihil sibi a
præsente in ædibus contagio formida-
rent. Didiceram propria ignominia

cau-

cautior esse; cum aliquoties, ex relictis
priorum vestigiis, immunitatem non-
nullis pollicitus, & me, & ipsos, turpi-
ter deceptos cernerem.

Meminerunt in *Hollandia* multi,
quoties, contagio grassante, ejusmodi
exempla ipsis enarraverim.

In *Austria* id quoque non miran-
tur, quique idem affirment reperi. Quid quod idem hac ipsa in urbe
quem vivimus anno, notabili constit,
exemplo?

1757. 20. Febr. expertissimus &
doctissimus Medicus *Erndl* narrat casum
se habere. Rem coram videre ge-
stiens, 21. Febr. puellam, quæ secun-
das variolas pati dicebatur, cum ipso

E adeo

adeo factō accurato examine, sequen-
tia constitere.

1. Pater, Mater, Avia, narrabant
quatuor elapsos annos esse, cum vario-
lis adeo confertissimis puella laborasset,
ut vix vacuum ab iis spatium toto da-
retur corpore: fuisse vero maximam
partem distinctas, pauciores modo in
vesiculas abeuntes. Caput vehemen-
ter intumuisse, infantem per novem
dies gravissime laborasse, perque alios
novem dies adhuc male, at mitius quam
prioribus, habuisse.

2. Et oculo nudo, & microscopio,
vidimus per universam faciem, inque
manibus hinc inde, foveolas intropres-
ſæ Cutis tum innumeras, tum Cribri
foraminum instar sibi contiguas.

Igi-

Igitur testimonium parentum, & ipse non dubius adspectus, prægressas variolas cuicunque, etiam non facile credulo, demonstrant. Considerandus nunc status præsens.

1. Parentes narrabant, narrabat & Medicus, qui jam a primo contagii ad-parentis tempore puellæ adfuerat, infantem per quatuor fere dies febricitasse, dein convulsam esse, tandem variolis die 15. Febr. affici cœptam.

2. Variolas has die 10. morbi, ab eruptione septima, vidi discretas, paucas in facie, passim exsiccatas: unam vero supra frontem in cute capillata insignem, cum circulo rubro, pure, plenam, plures vero tales in toto dorso: infante vix ægrotante.

Altero die quatuor adfuimus Medi-
ci, quos inter, qui infisionem propu-
gnarent, bini. Vix ab hesterno die
ulla mutatio suppurantibus pustulis ob-
tigerat. Veras has esse variolas, secun-
dum Artis regulas accurate adplicitas,
declaravimus omnes. Si vero sint,
qui de prioribus dubitent, poterunt in
vicinia mea puellam apud honestos
suos parentes examinare; turpibus nu-
merofisque stigmatibus conspectis, ul-
tra non dubitaturi.

Vt hoc exemplum est, plura alia
vidi, adnotavi.

Dicere ergo liceat, si hæc sententia
de secundis variolis demonstrata non
sit, nihil in Medicis aut Physicis de-
monstratum haberi.

Ergo

Ergo neque variolæ, infitione comparatæ, hominem ab alteris variolis præstabunt immunem.

Contra tamen afferitur a 30. annis, quibus infitio floruerit, id nullo probato exemplo constitisse; imo nullo certo exemplo evictum esse, quod cui olim bis, ter, irrito conamine infitio facta esset, variolæ naturales postmodum accesserint.

Narrantur hæc, sed non probantur. Imo, quod non sine intimo animi dolore recolo, nullibi minus dominatur Veri amor: nullibi mens præoccupata, nullibi dominium in arte turpius elucescit, quam in præsenti quæstione.

Etenim dubias variolas a certis di-

E 3 ftin-

stinguendi regulas habetne Ars, nec
ne? Adeſſe tales, easque tutas, & cer-
tas, fatemur omnes. Nolim alias re-
gulas ab illis, quas in multorum acerri-
morum infitionis defensorum scriptis
relatas video. Sunt veræ artis regulæ,
quas ipsas, non alias, Majores^z nostri
coluere, & secundum quas a pluribus
retro fæculis veræne variolæ, an ſpu-
riæ eſſent, determinatum fuit.

Hæ ſane viderentur ad omnem li-
tem determinandam ſufficere. Verum
olim id ſic quidem ſufficere solebat;
hodie aliter nobiscum comparatum eſt.
Si cuiquam veræ variolæ in 7. 10. diem
ſuppurantes fiant, appellabuntur *Veræ*,
quando nullæ ſive naturales variolæ,
ſive artificiales, ſive irritæ infiſiones,
prægressæ ſunt: ſin vero præcesserint,
erunt

erunt duntaxat *spuriæ*. Siccine cum Arte, bonisque artificibus, ludere convenit? An artis regulæ omnibus probatæ, & laudatæ, cujusque arbitrio subsint? saltem cessent tunc Regulæ nominari.

Sed præterea, id genus plura moderatos offendunt Lectores. Si Medicus ordinarius, si publicus Artis Medicæ Professor, quas videt variolas, applicatis artis regulis, veras indubitato pronuntiet; & nihilominus sive ipse patiens, sive ejus familia, sive infisionis Patroni, prægressam inoculationem tueri velint; præstare creditur hos Medicos Malevolos, Deceptores, Sycophantas appellasse, quam permittere ut infisionis fama cadat. Turpe videre est testimonia dubia Nutricum, Cubiculario-

rum, Pædagogorum, sufficere, ut boni
Medici multis postea annis videant se
in publicis scriptis fraudis insimulari.
Nil loquor nisi quod publica scripta re-
ferant. Siccine didicimus debitum
omnibus servare decorem? Etiamne
hæc apta via convincendi dubitantes?

Nemo igitur miretur, quod tam
pauca exempla Naturalium variolarum,
post insitivas, viceque versa, publicæ
Lucis fiant. Dedita opera argumenta
præparantur ad futuros quoscumque
casus. Si enim quis demonstraretur
variolas Naturales veras habere, cui in-
sitivæ quondam affuissent, hunc pro-
nuntiabunt pure insitum spuriarum
Si frustra olim factæ infitioni veræ va-
riolæ succederent, vel idem responde-
bunt, vel non satis iteratam inocula-
tio-

tionem accusabunt. Quid, si exempla plura demonstrent pus, infitioni adhibitum, veras in aliis produxisse variolas, & vel veras variolas inde hominem habuisse, vel ad duas tresve vices frustra fuisse inoculatum, & tamen nunc iterum variolæ prodeant? Audacter pronuntiabunt præsentes veras non esse. Sed regulæ artis curatissime adhibitæ veras esse clamant? Erramus: sunt spuria.

Tamen ut Naturales variolæ repetunt, ita & variolæ insitivæ possunt haberi post Naturales; Naturales post insitivas.

Hac occasione Historiam proferre animus est, quæ undique æque mirabilis, & ad casum præsentem aptissima.

Constantinopoli variolæ inferuntur
Puellæ. Viginti annis postea eadem
puella curam gerit infantum aliorum,
qui variolis insitivis decumbunt. His
periculo erectis, ipsa variolis naturali-
bus maxime malignis afficitur, moritur.

Forsan cogitabunt multi fictam hi-
storiā esse odio infitionis; vel saltem
primas variolas non veras, sed spuria-
rum pure factas fuisse; & centena alia.
Juvabit proinde Epistolam authenticam
communicare, quam habui a Magnifi-
co Domino *Laugier*, sacræ utriusque Ma-
jestatis Medico, qui olim *Constantinopoli*
habitans, hanc Puellam, familiamque
ejus totam, optime noverat, & urbem
illam, dum incipiebat Puella hæc reli-
quis in insitivis variolis assistere, reli-
querat.

Autor

Autor Epistolæ est Doctiss. D. *Mackenzie*, tunc *Constantinopoli* degens, orbi erudito notus his, quæ pulcra communicavit cum Societate Regia *Anglicana* edita in *Transact.* Tomis aliquot posterioribus.

„ Il arriva un cas dans la maison
„ de Mr. *Hibsch* qui suffit pour decrier
„ pour jamais l'inoculation.

„ Il faut savoir que *Coconam Timoni*
„ avoit été inoculée par son Pere le
„ Docteur *Timoni*, il y a vingt ans; &
„ qu'il pretende dans sa Dissertation
„ sur l'Inoculation, qu'on n'est jamais
„ attaqué naturellement, apres l'Inocu-
„ lation.

„ Les enfans de Mr. *Hibsch* ont
„ été

„ eté inoculés dans le mois de Juin
„ passé, comme vous savez. Pendant
„ leur Maladie *Coconam Timoni* etoit
„ leur garde; & apres leur retablisse-
„ ment, elle etoit attaquée naturelle-
„ ment de la petite Verole, & morte en
„ huit jours.

„ Je ne l'ai pas vu dans sa mala-
„ die, mais je suis fidelement informé,
„ qu'elle avoit la petite Verole, & que
„ c'etoit par la malignité de cette ma-
„ ladie, qu'elle est morte.

„ Depuis ce tems la j'ai attendu
„ pour faire quelques Observations sur
„ les enfans de Monsieur *Pisani*, qui
„ devoient etre inoculés, comme leur
„ Pere m'avoit assuré: mais a present
„ il a changé son sentiment pour cette
raison.

„ raison. *De Constantinople* le 20. de
, Mars 1742.

Forte quis infirmare fidem historiæ
conabitur quod egregius *Mackenzie* æ-
gram non viderit. Certe cur non vi-
derit, ignoro. Num eo tempore ægro-
taverit? Vrbe absens fuerit? Cum fa-
milia Domini *Hibsch*, ejusve Medico,
simultates habuerit? Causam cur eam
non viderit, in Epistola non dedit.

Sed consideremus 1. autorem epi-
stolæ hominem levis animi non esse, at
maturi judicii, ut ejus scripta docent;
Virum proinde, cui ad aniles Confabulationes aures minime fabrefactæ es-
sent.

Consideremus 2. fautorem & pro-
moto-

motorem infisionis fuisse; qui quidvis forte potius, quam alteras, & alteras post infisionem variolas, possibile credidisset.

3. Scripsisse ad Magnificum *Laugier*, infisionis cum illo fautorem, ad quem circa ejusmodi rem non nisi curatissime examinata referri debuerint.

4. Eundem examen debitum instituisse, ut verba ejus indicant: quo in examine si vel minimam suspicionem alias morbi, quam variolosi, subesse intellexisset, suam utique suspicionem, una cum historia hac, erudito cum amico communicasset.

5. Consideremus Patronum hunc infisionis, si de historiæ veritate addubitandi rationem quodammodo probabilem habuisset; dubio procul conaturum
fuis-

fuisse omnes christianos græcos educe-
re ex errore; & saltem illum, qui ob tri-
stem hunc casum infantes suos sibi in-
oculandos committere negabat, erudire
veriora: at vero e contrario candide
afferentem legimus: „ Je suis fidele-
„ ment informé, qu'elle avoit la petite
„ Verole, & que c'etoit par la maligni-
„ té de cette maladie, qu'elle est morte.


6. Tandem perpendamus eruditum *Mackensie* non in primo impetu, sed elapsis integris novem mensibus, demum hanc Epistolam scripsisse; adeoque factum rite examinandi occasionem habuisse.


De insitionis porro bonitate non est quod dubitemus, si perpendamus insitionem huic filiæ non ab ignaris, aut semidoctis hominibus, institutam fuisse,
sed


sed a Patre suo, famosissimo illo inoculatore Medico, insitorum oraculo, summoque propugnatore *Timoni*. Cujus infeliciter e vivis erepti vidua nupserat Domino *Hibsch*, de cuius infantibus hic agitur. Ergo dantur veræ Naturales variolæ post insitivas. Et quidni? æque facile videntur nasci posse, quam secundæ naturales.

B. Augustinus Libr. 2. de Trinit. in procœmio.

Nec trepidus ero ad proferendam sententiam meam, in qua magis amabo inspici a rectis, quam timebo morderi a perversis. . . . magisque optabo a quolibet reprehendi, quam, sive ab errante, sive ab adulante, laudari. Nullus enim reprehensor formidandus est amatori Veritatis. Etenim aut inimicus reprehensurus est, aut amicus. Si ergo inimicus insultat, ferdus est; amicus autem si errat, docendus; si docet, audiendus. Laudator vero, & errans confirmat errorem, & adulans illicit in errorem.







X

